



РУСКИ

НОВИНИ

ЗА РУСИНОХ У КРАЛЬОВИНИ С. Х. С.

РОК
III.Виходца раз у тижнио. Цена на цели рок
100 Дин. На $\frac{1}{2}$ рока 50 Дин.
Властитељ: Руске Народне Просвите. Друштво
Одигчательни редактор Дюра Павич.Нови Сад
штварток 28. јануар 1926.Рукописи и други писма треба послац на
адресу „Руски Новини“ Нови Сад, Бојовићева
улица бр. 2. — Претплату на Руске-Народне
Просве. Друштво Руски Крстур (Бачка).ЧИСЛО
60.

ЕДНА ВЕЛЬКА НАША ПОТРЕБА

Уж већејраз вибила меџи нами дзека за оснутком наших руских пенежних и акцијонерских дружтвох. То здрава дума и то добри знак просвети нашого народа. Без организацији не лем воопще, але и у поединих гранах народнога живота, нет напредка. Од јаке велькей и непроповеденей важносци господарско-финансијална организација зна какди добри газда, а Русин особено. Пишем тоти шорики, да не останеме лем при бешедох и словох, але и до длох да ше раз влапиме. Правду ми једен наш млади чловек гварел, кед зме о тих стварох бешедовали, же без тей грани организацијох не годно буц просвети анї на других бокох, односно гевти ињиши грани би без тей организацији моцно и осетљиво мушели заоставац. То велька правда! Най ше водство Р. Н. П. Д. остара, да тоти так потребни ствари до живота приведзе. У какдим руским валале ше

найдзе людзох, хтори ледво чекаю час, да од водства добију знак и упуту. Желание наших людзох ту, да ше пре тоту и так важну ствар звола на згодним месеце схацка, да ше людзе дакус о тей роботи и ствари порозгваряю. Розуми ше, же тоту ствар треба зробиц, док жима, док иже польска робота не прицисла людзох. Схацка би у главним указала драгу, хтореј ше маме тримац. Воно би мало погледац людзох и организаторох тей ствари. Треба мац и то на розуме, чи ше зосце цалком окремна руска тей форми организација, чи би можебуц иже лепше ше нашло другу драгу найме ступајуци до нам Русином најблажих сличних дружтвох, дзе би зме мали вельке и одлучне слово. Можеме ше огляднуци на Словацих, чи вони таке дацо маю, а кед маю, якто организација.

Народ чека, а Р. Н. П. Д. нај свойо зроби такој!

Осиф Костельник!

У нашим отечеству

ВЕЛЬКИ ШНІГ У ЛИКИ

У горских крајох у Хорватскеј, особено у т. зв. Лики западал вельки шніг. На местох високи и до 2 метери. Щицок саобрачай станул. На местох вискочела локомотива зос шинох.

ЗАСИДАНИЕ ПАРЛАМЕНТА

Засидание парламента зволане на 29 јануара. Обачуе ше медзи посланикими веџеј живосци а шиц-

ки обчекую док ше повраци Н. Пашић. Пременки, котри ше маю одбуц будај веџкаљ, кед ше вигласа буджет.

У ЛОВУ ЗА КОМУНИСТАМИ

Прешлих дњох полапала београдска полиција вељко познатих комунистах. Гутори ше, же вони доставали вельки суми пенежко за агитациј зос Русиј, а почали уж агитирац и медзи нашу войску.

ЗАБИЛ ВОВКА

При Нуштру и Славониј ишол на лови чувар Наркосович и на једней ливади видзел вовка. У перши мах думал, же то пес, але кед на њого сцел наваліц, три раз штрелел и забил го. Скору предал за 400 Дин. Людзе не паметају, же би ше дараз у том краю звали вовки.

ТРЕЩЕНЕ ЖЕМИ У СЛОВЕНИЈИ

В недзелю од 9 годав. вечер до 4 рано зявело ше трещене жеми у Брејицих у Словенији. Даскељо раз и моцно потресло. Меџи народом влада вельки страх. Векшай чкоди не було.

ДЗЕВЕЦ ПРОФЕСОРОХ БЕЗ ХЛЕБА

Терашнї министар просвети Радич руцел до пензиј 9 професорох на Уни-

верзи у Загребу. У шицких кругох тово поступоване Радичово ше барз о судзуе.

НАШ КОВАНИ 2 ДИНАРОВИ ПЕНЕЖ

У последнї часи обачело ше, же ше находза у промету два файти кованих дводинаркох, котри ше меџи собу барз мало розликују. Думало ше, же вони фалзификовани. Медзитим утврђено, же тата розлика походи отадз, же једни правени у Францускай а други у Белгиј.

СТАНЕ УСИВОХ

Зашати усиви указују ше добре. На местох страдали од жими, особено там, где не були довольно закрити зос шнігом и. пр. у Сриме и коло Дубровнику. Указују ше дагдзе польски миши и робја вельки чкоди и так звана кирвава уша.

Газдовство

ТРИМАЙМЕ ВЕЛЬКО КУРИ

Наши людзе мало бриги водза о кури а требало би да дакус веџеј знаме о њеј.

Кура походзи аос Индиј (Азия). Вона ше у нас претримује у каждого. Як мали так вельки газда, кажди трима кури. — Лем не кажди зна, яку важносци вона ма у газдовству. — Газдиня: на ширки, на соль, на витријон, то шицко кура приноши. Зато треба, кед дацо добре, да го зна ме добре вихасновац.

Кури ест велько файти: ест за нешено, а ест за месо то од того завиши на цо их ховиме.

Нікто не рахує анї не дума яки вельки приходок ноши кура. Гайде да вид-

зиме. Једна кура до рока знеше до 200 вайца, а кед порахујеме цо то кошта? то шумни пенеж, але кед једна кура принеше 200 вайца кельо принешу 100 кури? Але јам досц и полу тельо, а тельо нашо кури и знешу до рока, то веџка 100 кури по 100 динари — то (10.000) дзешец езри динари. Куру не любја тримац, же погубу зарно и пограбе, але нерахуј кельо єй вайца коштују. Маме клайбас лежко пораховац кельо жедза а кельо принешу пенежи.

Кури треба кармиц осбито в жиме, бо теди вони неможу себе найсц покиви. А кед в лаје, теди вона се бе сама найдзе покарм. У валале треба кармиц а на салашу не. На 100 кури

досц 5 кили кукурици на дзень. Але треба мишац раз отруби зос кромплями запариц, дакус кислого млека, кухнёво одпадки, помій піц, особено добре карміц зос трубами, бо вецка скорей буду квоки.

Кед сцеме мац добри успих мушиме ше отарац и о добри курнік. На древо лем кед цепло добре да шедаю, але в жиме треба би и треба, да маме курнік справени, або хлів, да им цепло. Барз згодни курнік прави ше на пиньвицову фурму зос цеглох вициментовани и кед є нечисти же ест у нім вши або блощици, теди подпаліме доњо глаами и вигори шицко нечистве. И барс добре, кед ше

им грее курнік, кед пец спрavi доњо, відка ше нешу и в жиме, баш теди кед вайца драги.

Од здиханя найлепши лік чиста фришка вода; в жиме 2 раз на дзень а влеще трираз пременіц. А гнойовку и брудну воду барз треба чуваш, бо од того кури и здихаю.

Най себе кажди перше добре роздума а вец най трима тельо кури, кельо най вецей годзен, бо мала роботи з німа а вельки хасен даваю газдови.

Най себе кажди пише за кельо ше предаю вайца и кельо ше потроша вецка увидзи, же то правда.

Мирон Олеар, Коцур.

Широм Швета

Мадярска

МАДЯРСКИ СОН ШЕ НЕ ВІПОЛНІСЛ

Явели зме уж, як Мадярски грофове правели криви француски пенеж. Француски новини пишу, же тот пенеж мал ше употребиц нато, да прицагню на престол Габсбурговца Албрехта. Теразшні регент Горти мал постац його палатином, а главни фабрикант кривих пенежох княз Віндишгрец министерски председатель. На дзень революції тайна воена организация требала под вод-

ством посланика Гембеша завяца шицки касарні.

У парламенту дня 19. януара вибрата комесия, у котрой участвую 25 посланники, а котра муши випитиця яке политичне тло цалей фалсифікації. Бешедуб ше, же регент Горти и министар председатель Бетлен муша одступиц.

Гал. Україна

ЮВІЛЕЙ МИТРОП. ШЕПТИЦКОГО

Прешлей недзелі преславел Руски народ у Галиції 25 рочніцу, од кеди вельки його син Андрей

зна бидачиско? Вон ше влапел до роботи, замета двор, допатра коні, ноши води и шчипа древа. После вислуженей недзелі да му богати брат єден циповчик.

— Ту маш за твою роботу!

— И за тово ци дзекуем крашнє! гварел худобни, наклонел ше и сцел пойсці дому.

— Чекай! на ютро приду до мне на госцину, але приведз зос собу и жену; ютро мой имени дзень.

— Гей, брату, як да придзем? ша и сам знаш...

До тебе приду тарговци у чижмох и бундох, а я німам на себе цо облечиц, лем ликово ципели и худобни шиви уящик.

— Нічзато, лем ти приду, найдзе ше и за тебе место.

— Добре, брату, придзем.

Худобни ше врацел дому, дал жени циповчик и гварел ей:

— Чуєш жено, на ютро зме поволани на госцину.

— На яку госцину, хто нас поволал?

Шептицки управя зос Церкву греко катол. У торжественей Служби Божей вжали участ числени представники руского духовенства, установох та інших организациох. Шицки наше новини у Галиції пошвецели високому и за служному ювілантови красни и тепли шорики.

Белгия

† КАРДИНАЛ МЕРСИЕ

Новини являю, же поznati ученяк и кардинал Мерсие умар. За світской войни, вон ше одликовал зос своїм величким домолюбієм. Йому треба дзековац, же ше народни дух и морал тримал у Белгії. У науковим швеце кардинал Мерсие ше рахуе медзи найвекших умох.

Кіна и Руся

ПРЕД ВОЙNU?

Одношения медзи Кіну и Руся віше баржей ше заштрутую. Кінеска войска медзи собу ше подзелела на два части. Єдна пристава уз большевикох а друга

Поволанка

Роботу за ушорйоване зборніка руских народних писньох вжали на себе Осиф Костельник ведно з паноцом Біндасом. Як то барз важна ствар за наш

га процив ніх. Управителя восточней железніци Иванова упішли неприятель большевикох, а большевики ше грожа, же кед го не пуща та придае до воини медзи Руся и Кіну.

Італія

НОВИ ДОГВАРКИ ЗОС НАШУ ДЕРЖАВУ

Новини являю, же би у найкратшим времену могло прийсц до нових дипломатских догваркох медзи Італію и нашу державу. Догварки би ишли у напряму, яке становице зашткню на граници обидва держави у случаю, кед би ше Австрія приключела Німецкей.

Албания

ПРИЯТЕЛЬСТВО ЗОС ИТАЛИЮ

У новше време ше віце баржей обачує, же ше председатель албанской республики Бег-Зогу приятели обраца гу Італії. Впливни места у влади дostaли людзе, котри познали як приятеле Таліянох.

ФЕЛЬТОН

БИДА

— Руска народна приповетка — Преподал М. Няради, учитель.

У єдним валале жили двоме родзени браца; єден был худобни, а други богати. Богати ше преселел до варошу, збудовал себе вельку хижу и записал ше за тарговца; а худобни, сегиняtko немал вельораз ані фалаточка хлеба, а дзеци єдно меньше од другого плакали и питали фалаток хлеба. Од рана до вечара мучел ше бидачиско як конь.

— Гайде пойдзем до варошу, замодлім брата, оздалъ ми поможе дакус?

Придзе гу богатому.

— Мили мой, родзени брату! помож му дакус у тей моей велькай нужди, жена и дзеци шедза без хлеба и по цали дні гладую.

— Роб у мне тей не дзелі, та ци поможем! Цо

— Брат, вон ютро слави имени дзень. Ша, уж лем пойдзeme, но.

Всчас рано станю и руша ше до варошу. Приду до богатого брата, поздравкаю му крашнє и пошедаю на лавку. За столом шедзели уж велько познати госци. Шицких доматін крашнє госци, а на свійого худобного брата и його жену и думац забул — нізосчим их не понука; вони сегинятка лем шедза и припатраю ше, як други єдза и пию.

Готови был полудзенок, госци ше почали дзвигац од стола и крашнє дзековац доматінови и його женни на мілим погосценю. И худобни брат ше дзвига зос лавки и кланя ше братови аж до паса. Госци иду дому пияни весело шпиваюци, а худобни брат за німа зос празним жалудком.

Ноле, женко, зашпивай ме и ми дас єдну.

Та идз, шаленяку, людзе шпиваю за то, бо ше смачнє наедли и напили; а дзе

тебе приходзи на розум шпивац?

— Но шицко єдно, бул сом у брата на госцини; па ше ганьбим так поціх исці дому. Кед я зашпивам, кажди будзе думац, же и міне брат погосцел.

— Ти, шпивай, кед маш дзеку, но я не будзем.

— Худобни зашпива сам, а чує два гласи; престане шпивац и пита ше жени:

— Ти ми так на ценко помогала?

— Цо ци пада на розум? я ані не думам на то.

— Па хто вецка?

— Незнам, гвари жена; ноле попробуй ище раз зашпивац!

— Вон знова зашпива; єден шпива, а два гласи ше чую; стане и пита ше:

— То ше озда ти, Бідо, озвішав?

— Да, мой пане! то ци я помагам! Подзме далей! Ша знаш добре, же це я нігда вецей не охабим.

Худобни брат пришол дому, а Біда го вола до карчми. Но вон єй гвалел: я

другую, модлім каждого, да пошле писні на мой атрес. Дабоме же шицки писні не годни воїсці до зборніка, бо ше лем цо краши повибераю. Цо не войду до зборніка буду ше друковац або у нашим календару або у „Руских Новинах“. Мена шицких тих, цо

дацо у тей роботи припоможу, буду друковані у зборніку. Зберайме Русини свой народни маесток, бо з нім ше вельо дзвигнеме у очах цалого просвищеношвята.

Осиф Костельник, правник Загреб — Пејачевићев трг 15. I.

рише сцу усовершовац у читаню, писаню, у раҳунках и хтори ше сцу учич державни язик, а други за аналфабетах т. е. за тих, хтори воопще не знаю читац-писац.

За обидва течай обука ше отримуб штварток, сорботу и пондзелок вечар од 6 годзинох у старей школи.

Петровци

РУСКА СОЛИДАРНОСТ

Дзень 24. януара бул шведком искреней рускай народней солидарносци. Тогодня пришагал нови церковни одбор на чолье с туторами чесними газдам Янком Емеди и Янком Обровски, выбрані на виборах, хгори ше, по штатутах духовнай власци, озбильно и достоянствено окончели дня 17. януара т. р. Стари и нови одбор, у спорозуму с „Ловарским друштвом“, приредзели у крашне декорираней гостилиници Янка Надь укусну ловарско-риблю вечеру, на хтору поволали паноца, пана учителя зос сином Милутином, правником и хороводителем церковного хору, дзияка, церковніка и вельо чесних газдох, хтори ше виявляли за руску народну солидарносці. Назберало пе коло 50 персони и ту ше развила забава у правим руским духу, чесно и поштено, якко доликуе людзом прошиценим.

Паноцец наздравел рускай солидарносци и свядомосци, положел шицкима на шерцо, да ше любя, як дзеци ёдного оца, и члени руского народу, да ше слажку газдове зос худобними, бушицки християнс и Руснаци. Поздравел присутних але и неприсутних — шицких своіх парохиянох; отпитал ше од старого а прывітал нови одбор. Свою радосц над слугу и руске братство, якого петровчане не запаметали, выражели у наздравицох и п. учитель, п. дзияк а и велі од чесних газдох, док ше умилна руска шпиванка, из сложных руских гарлох глашала на далёко. Доказом искреней рускай свидомосци ёст факт, же ше за РНПД, у Керестуре назберало 205 Дин. а за „Широтинец“ у Шиду“ тиж 205 Дин. Чест нашим церковним одборцом, „Ловарским друштву“ и шицким, цо допринесли за возбуду руского духа, слоги и братства.

Браца Руснаци, тримайце ше ведно, любце ше як браца, це патрице на разликосци околносцох у котрих жиене. Виступайце солидарно віше, а у кельо сце слабши стакіма, котри нам бліски, и котри з нами исто чустую; церпя и за правду ше боря, а вец ше не требаце бац за свою лепшу долю. С нами Бог!

СТАТИСТИКА. У 1925. року родзело ше у Петровцах 42 души, умарла 21 персона, вінчало ше 14 пари. Приспорела ше отже 21 душа.

КНІЖКОВНОСТ

О. Димітрый Поповичъ: Історія Церкви Христової

для середніхъ и горожанскихъ школъ. Ужгородъ „Свобода“ 1925. стр. 100.

О. Еміліян Бокшай:
Церковное Богослужение (Литургика)
Ужгородъ „Уніо“ 1925.

Потреба добрих школских книжкох у нас не мала. А особено таких, котри би ведно удоўляли захтевом современей науки и потребом каждоденого живота. Медзі такі книжкі спадаю и два найновши школски подручника История Церкви и Церковное Богослужение.

ІСТОРІЯ ЦЕРКВИ ХРИСТОВОЇ од О. Дим. Поповичя професора Гімназіїодержаве на 100 странах обычного формату цали потребни материял, котри ше преучуве у гражданских и средніх школах. Кніжка писана надзвичайно легким и популярным стилом а крем того надихнена любовию до св. Церкви. Особена заслуга писателя ёст, же у кніжки покладол векшу увагу на нашу восточную Церкву. Вона є згодна и за народ, па прето ю особено препоручуеме. Най ей читане до принеше до віше лепшого упознання нашей св. Церкви. — При новим виданю препоручуеме,

да ше опширеніше виробя часи св. Йозафата, Його дівство-ване и значене за нас.

ЦЕРКОВНОЕ БОГОСЛУЖЕНИЕ (Литургика) написал проф. О. Еміліянъ Бокшай — кніжка, котра на мало простора обнімае у главних чертох наш богослужебни живот. Велі образки ёй подаю ище векину занимлівосці. Медзитим найвекша вредност тей кніжкі у тим, же у поедине параграфах подал аутор кратку історическу подію дотичнай розвитки, цо до тераз у наших літургікох ридко дагае було. А то и едина права драга за порозумене да поєднані наших літургіческих чинох. При краю кніжкі подани ище поучни додаток.

Зос нашей страни ми би змежадали, да нови виданя буду ище совершенні. Да ше и. пр. поєдини части св. літургії розтолкую ище вецец у своім историческим розвиваню и. пр. кеди запровадзены антифони, Ёдиниродний, Святы Боже, Иже херувими и т. д. Далей опширеніше о св. писньох, и хтори писньопивец зложел даедну писенку и. пр. Помилуй нас Господи, помилуй нас, Ирмоси на ютринях и т. д. — Най би ше и вихабело твердзене (стр. 37) же св. Василий покрацел Якова, а Йоан Василия, бо не одвітув науковим новшим резултатом. Кніжку цепло препоручуеме кождому, бо вона барз прикладна, до розуменя нашого літургіческого живота. Каждей кніжкі цена 14 ческих крунох.

П.

ЗОС НАШИХ ВАЛАЛОХ

Руски Керестур

Ремеслене друштво у Руским Керестуре 30. януара 1926. року у гостионици гдovi Штефана Гарди будзе отримовац Забаву (Бал). Початок вечар на 7 годзин. Зос чистого прихода идзе 50% у корисц ремесленого друштва а 50% на фонд за „Руски Новини“. Добровольна претплата ше прима зос благодарносцу и будзе явно виглашена у „Руских Новинах“

Исте Друштво дня 19. януара 1926. на главним собранию до нового одбору выбрало: за председателя Іовген Колбас ципелар, за подпредседателя Микола Папуга месар, за касира Михаил Джуня мулляр, за одборниках: Йоген Шовш ковач. Грицо Киш колесар. Грицо Медеши ципелар, Мойсей Катона бербер, Янко Торжич кроич, Дюра Микловш качмар, Габор Пацов чарапар, Штефан Надь ременар, Вигел Фейбел мулляр, Штефан

нэмам пенежки.

— О, ти, нэзгранич чловече: Нач ци пенежки? да не видзиш на себе кожух, а нач ци го? неодлуга уж будзе лёто, па го и так не будзеш ношиц. Гібай, поме до карчми, па кожушчок крашне запиесме..

Худобни и Біда пойду до карчму и запио кожух. Други дзень ше поносуе Біда, же ю од вина болі глава, и заш вола свойого пана до карчми на вино.

— Не мам пенежки, гвари сій чловек...

— Нач нам пенежки? Вежні санки и коч — за нас двойю будзе досц.

— Гайде — де, не може ше отресці Біди, Вежні санки и коч, отцагнє их до карчми и крашне запиесме их зос Біду ведно. Други дзень ше Біда ище баржей поносовала на главу, же ю бара болі. Вола пана свогого, да ше иду лічиц. Чловек запил и брану и плуг. Ані еден мешац не прошол, а вон уж шицко прерайтал; ище и хижу дал сушедови

до залогу, а пенежки однес до карчми. Но Біда лем заш за нім.

— Гайде, па гайде, поме до карчми!

— Не пойдзем, Бідо, ты роб цо сцеш, но я уж веци не мэмам ніч цо однесц до карчми.

— як би ши не мэмал ніч? твоя жена ма ишче два сарафани (сукня длага през рукавох) еден ей охабиме, а други запиесме. Чловек веци не сарафан, однеше до карчми, запиес го и дума себе:

— Но, тераз сом наисце уж зошицким готови! не мэмам ані коч, ані хижу, ані на себе, ані на жени ніч

Рано ше пребудзі Біда, видзи, же небожкатко уж наисце не мэмам ніч так прегвари гу ніому:

— Пане, Господару!

— Цо таке Бідо?

— Но цо. Идз до сущада, замодлі го, най ци похічи коч и воли на кратке време, а ти му будзеш зато служиц до тижня.

Конец в слідуючим числу.

Шветочни отпочивок

ЕВАНГЕЛИЈА НА 30. НЕДЗ.

Во време оно, човекъ нѣкѣй приступи ко Исусу, искушавши го и глаголя: учителю благий, че сотовривъ, животъ вѣчный наслѣдствују? Рече же єму Исусъ: че мя глаголеши блага? никто же благъ, токмо единъ Богъ: Заповѣди вѣси, не прелюбътвори, не убий: не укради, не лже-свидѣтелствуй: чти отца твоего, и матерь твою. Онъ же рече: вся сїя сохранихъ от юности моєя. Слышавъ же сїя Исусъ рече єму: еще єдина го не докончаль єси: вся єлика имаша, продажь, и раздай нищымъ, и имѣти имаша сокровище на небеси, и гряди въ слѣдъ мене. Онъ же слышавъ сїе прискорбенъ бысть: бѣ бо богатъ сѣло. Видѣвъ же єго Исусъ прискорбна бывша, рече: како не удобъ имѣти богатство, въ царствиѣ Божиѣ внидуть. удобъе бо есть велбуду, сквозъ иглинъ уши пройти, неже богату въ царствиѣ Божиѣ винти Рѣша же слышавши: то кто можетъ спасенъ быти. Онъ же рече: не возможна от човекъ, возможна суть у Бога.

—:

Богатому юноши привидѣла чејка драга до Царства небеснаго, та поведи и запитал Исуса: „То, кто может спасен бити?“ Исус му отповед: „Невозможна у човека, возможна суть у Бога“. Бог сце, да єшици людзе буду спасени, бо прето и послал свойого Единороднага Сина на швет.

НА ЯКИ СПОСОБ СПАШАВА ГОСПОД БОГ? По Церкви своей дава им ласку, да веря, творя и любля, и так до неба приду. Але, да и ми повеме з ю-

ношом: „А якже буду спасени тоти, ко су вонка в Церкви, ко не познаю Исуса, ко го не веря и так не любя, и не творя дѣла божа?“ И нам гутори Исус: „У Бога сїя возможна суть.“

Господь и поганом и кривирцом дава свою ласку, да посигнъ свойо вичне спасене. Кед го не посигнъ, не будзе им Бог виновати, але вони сами. Божи драги до спасеня су безчислени и различни. Гоч дахто остал найдивши поган, и тому Бог дава гласника правди, ко го приведе на пут спасения, а то в на першим месец: глас совести, або природни закон, ко го научи найдужнейши правди о Богу и закону. Тот закон дал до шерцих єшицим людзом, и по їм можу гледац и найсц Бога. Кед треба, посила Бог и самого апостола мисионара гу поганом, да их поучи и приведе гу шветлу правди, Христу Богу.

Вельо раз читаме, же дзви погане учали за християнскаго мисионара, апостола, ко од їх бул на вельо сто милі одалени, па посылали гу ньому посланство, да прииде гу їм и да их учи и кресци.

Господ Бог може надалей в нутреним розширенем спашиц човека. Да му до шерца таке шветло, же вон спозна, же лем еден Бог, и же тот Бог праведни и же сце спашиц човека, бо є добри.

Кед човек по тим внутренним розширенем Бога гледа, и сцел би му ше попачиц у любови гу ньому, теди таки човек уж покрещени крещением, тайни Христовей, ко отвера логдом двери небесни; Вон в крещени крещением жа-

даня. Вон сце и жада Богу служиц, а не зна иншак як, лем го жада, а милосрдни Господь отвера му такої райски двери, бо му то уж Исус заслужел.

Такима способами спашаваюше и кривирци християнски, котри без своей власней кривди вонка зос Церкви Христовей. Безчислени души у кривовирству сцели би Богу служиц и гледаю го, и служа му як знаю. Вони би сцели, як найлѣпше, але иншак не знаю. Теди им Бог приходзи на помоц, и дава им до шерца виру, любов и вон и оставаю спасене. Помага им и то, же вельо правди зос вири зачували добре, Дух Св. их невидимо вяже зос Христом, як невидиму Главу, Церкви, и так найду у НІОМУ спасене.

Розуми ше, же нам собрали у католической Церкви, хтору Христос Бог утемелел на апостолу Петру и дал ей так лѣгчайше найсц путь правди, кед го щиро гледаме, бо ту чечу жрида ласки божей; ту су потоки милосердия, ту чиста правда ше слуха, ту ше дава очищение од гриоз, ту в величество служби божей, котра воаноши душу гу Богу Оцу, Сину и Духу Св.

Дзекуйме Богу, же стойме блїако при источнику нашого спасения и же не мушиме зос юношом питац: „То кто может спасен бити?“

А помагайме Матер Церкву, зос молитву и добрими дѣлами, да може цо скорей рознесц шветло правди по цалим швеце, да ше спаша и души поганох, — а исто, котри су одзелени од соборней Церкви, — да будет цо скорей „ЄДИНО СТАДО И ЄДИН ПАСТИР.“

М. Мудри.

ПАМЕТАЙ:

Хто на Руску Просвиту дава — себе дава и заслужи вични спомен у руском народу!

Тарговина

Жито 310 дин.

Кукурица 145 дин.

Ярец 140 дин.

Мука 0.5 дин.

Хлебова мука 350 дин.

Отруба 150 дин.

Овес 195 дин.

Маст 21 дин.

Швин 10—13 дин.

Баранчата 11—13. дин.

Риби 25—35 дин

Риби дробни 15—24 дин.

Гуски клюкани 17—20 дин.

Гуски худи пар 100—150 дин.

Гуски млади пар — дин.

Качки пар 50—60 дин.

Пульки пар 95—110 дин.

Курчата пар — дин.

Вайцо 1— дин.

Мухар шено 0.60—0.70 дин.

Слама. 0.50 дин.

Берза

Найновши курс цудзей валути при нас:

Долар 56.40 динари.

Немецка марка 13.30.

Аустрийски шилинг 10

100 франц. франкох 207 динари

100 талиянских лирох 227.

100 швайц. франкох 1081 дин.

100 румунски леї 27.50 дин.

100 бугарских леви 40 динари.

100 чехословачких кр. 166 дин

Єден милион мадъ. кр. 788 дин

Длужніци и претплатніци

Модліме п. п. претплатниках, „Руских Новинох“, котри ище не послали претплату най то довар, або цо скорей пошли до Просв. Дружства у Керестуре. Не шумне читац новини а не плаци!

Оглашайце до „Руских Новинох“

ХАЛО!

КАЛУШЕВИЧ И МИЛОВАНЧЕВ
ФАБРИКА ЦЕГЛОХ И ЧЕРЕПУ — СТАРИ ВРБАС
Телефон 26.

ПРОИЗВОДЖУЕ НАЙЛЕПШИ, НАЙМОЦНЕЙШИ И НАЙКРАШИ СТВАРИ ЗОС ЦЕГЛИ.

Першокласну цеглу и череп. Цегли за комин, за шведски пеци, вшеляяку цеглу и череп за патосоване гонгох и вельо инших сортов. Лиферує на ладї и ВАГОНАМИ. Совисне и точне послужене.

ХАЛО!

КАЛУШЕВИЧ И МИЛОВАНЧЕВ
СТАРИ ВРБАС
Телефон 26.

ПРОИЗВОДЖУЕ НАЙЛЕПШИ, НАЙМОЦНЕЙШИ И НАЙКРАШИ СТВАРИ ЗОС ЦЕГЛИ.

Першокласну цеглу и череп. Цегли за комин, за шведски пеци, вшеляяку цеглу и череп за патосоване гонгох и вельо инших сортов. Лиферує на ладї и ВАГОНАМИ. Тунії цени.

